

四庫未收書輯刊編纂委員會編

四庫未收書輯刊

北京出版社

肆輯·叁拾冊

四庫未收書輯刊

四庫未收書輯刊編纂委員會編

北京出版社

〔明〕夏樹芳輯

詞林海錯十六卷

明萬曆四十六年刻本

肆輯・叁拾冊目錄

詞林海錯十六卷〔明〕夏樹芳輯

一

四六纂組十卷〔清〕胡吉豫輯

四三三

〔明〕夏樹芳輯

詞林海錯十六卷

明萬曆四十六年刻本

詞林海錯引

揚子雲讀書觀大意至其
師林閭受輜軒記作方言
率單辭耳無甚鉅麗者而
弟子侯巴從之學古文奇字

詞林海錯

揚子雲

將所謂大者含元氣細者
入無間乎蘇子瞻掇擊選
學乃所至携說文以自隨
古之文人固有富於萬言儉
於隻字者既博且精蓋其

難也余友夏茂卿孝廉隱

居毗山不屑仕進事親之暇

業在雕蟲蠹魚之間平生

著書更僕不數至詞林海錯

殺青既竟而余覩茂卿之

詞林海錯

二

雖窮也蓋其所蒐採不必
僻書奇字委宛之所藏蒼
頡之所構惟古今文人之所
承用者或沿流而來邇其始
或傳訛而未正其讀或互見

而未歸於一或後起而可
化為新或探賾而索隱或
本隱以之顯皆旁通曲暢
劃然折衷若禹鼎之照幽
若姬車之指路若見說之

解結若由基之貫楊若
中郎識音於在爨若蒲元
辨水於一瓶非夫漁獵四
庫陶鑄万有者孰能為之
乎夫海陸碎事也玉海也

皆以海名茂卿之卷軸
不若二書之多獨以雅勝
猥以斷滕疑直掩前美乃
猶遜而比于海錯若曰八
珍屬厭更進小鮮云爾而

不知茂卿之所為遜一世
而讐書者蓋嘗涉歸墟泗
弱水歷沃焦褰裳濡足於
浮天浴日之觀而後得此
以望人之腹也亦苦心矣方

內有子雲必能賞之

舊史氏華亭兄弟董其昌

撰并書



詞林海錯

詞林海錯序



江陰夏茂卿先生念母老謝公
車不上春官識者擬之尹和靖
陳白沙而茂卿篤素迴俗喜著
書其名山之藏群玉之賦秘不

詞林海錯

楊國春刻

示人而時、出其栖真法喜志
茶董酒顛女鏡玉麒麟皆新艷
可喜至是復出異書數卷示余
曰六經如布帛菽粟二十一史
如天厨禁嚮詩賦如山果園蔬

而此書如海錯使人意外有異
味、外有異趣、外有異想、子
試為我一咀嚼之大抵人間古
今之書浩汗如海環夷夏而四
之各就其邊見以分大小淺深

詞林海錯

二

如蛟龍以為窟宅天神以為琉
璃蜃以為市仙以為家支祈水
母以為睡鄉漁人樵採以為餉
而海錯出焉甚矣其類余之泛
濫而好奇也先生留心當世包

括朝家故實內自官府外自六
曹九大鎮以及江南豐穰利弊
之故皆綜討曉暢雖宿儒老吏
不能傲之以其所不知而每當
干旄過從或從衆人後旅見當

詞林海錯

三

路輒逡巡退讓如不出諸口間
以請其秘則謹謝曰無他書僅
有小著述以娛歲月自比於雜
家稗官而已而不知先生之胸
中故執海也三教四游九家七

緯深無底旁無岸渾淪盤礴如
 大海之藏凡雲霞日月洲島沙
 溆遠方異國之出沒天琛名寶
 之映現何奇不畜何恠不儲此
 書特其一竊耳視玉海則簡而
 詞林海錯

四

流無足異也友弟陳繼儒撰
 丁巳高秋長洲友弟文震孟書
 於葑園之清瑤嶼

詞林海錯

五

詞林海錯小引

余鄉夏孝廉茂卿穿綜
百家攷漢六學蓋未薦
賢書業已馳騁宏博無
所不窺矣頃雅意巖棲

詞林海錯

楊同春刻

如黃勉之之著書陳公
甫之奉母絕意榮塗居
多暇日諸所著作無不
盛行於時今所梓海錯
一書特沙界中之一漚

耳余得而締觀之喜其

執林挾豔學圃蒐奇上
邇義墳帝典下逮黃衣
虞初凡語之新奇絕出
未經引用者率括以二

詞林海錯

二

字擬之紺珠而以夏之
海物惟錯方之夫海之
所有靡可筭數淵客談
之波臣識之非博物如
茂先龍鯨鵬毛鮮不謬

耳乃一覽是編海鏡江
 珖虎頭龜脚憑鰲寄鱗
 變蛤化鳧奚必入鮫宮
 親龍藏而後識造物之
 化生蠕動者乎昔者安
 石之碎金言其瑣而足
 珍也蒯通之雋永言其
 旨而可味也孝章將母
 之日久汲古之深長揚
 翹舒英言富理濟既精

且美何所不具余不揆
 而漫及之知此書不足
 盡孝廉矣

戊午秋日澹園老人

焦竑題



梁溪陳志高書



詞林海錯序

詞林海錯一書茂卿所爲
握槩窮搜閱十有數年而
後成者也生平所著述傳
之通邑大都凡十餘種獨

詞林海錯

乙 楊同春刻

是書最晚出而膾炙人口
者尤籍甚余每見一集輒
旨之而輒爲題之以傳殺
青蓋自余天機之所動非
相招也茂卿中藏甚富奚

嘗惠施五車又其意不主

故常在披華而振秀故剪

裁極妙一字一句光芒射

人亡慮宏深曼衍奧博神

奇讀者徘徊激賞卽徂見

詞林海錯

二

習聞方言俚語一經拈出

神明煥然譬若風笋露葵

頓易而爲紫蘿金薤草鷄

田雉倏變而爲水鵲雲鶻

斯海錯之名所由標注者

乎余與茂卿交最深閉戶
揣摩動有關係非支離無
當益其于天下條貫國家
表裏九邊八寅無不考究
綜覈得其要害其用世有
餘而茲僅以稗海消搖歲
月豈所謂藏身玩世大隱
自居耶然而使耳目新精
神暢則以其所無用養其
所有用昭天漏泉姬孔事

業弗隆于此矣昔人謂宇
內不可無名山腹內不可
無異書茂卿臥游一室操
響衆山十岳四溟皆薦目
背自此推而至於僊經佛
藏九州之外大九州瀛海
之外大瀛海以至十地諸
天香水覺海無盡身雲千
百日月出沒其間孰非其
所品題而彈壓者哉昔張

華好異書天下奇秘皆在

華所摯虞凡有結撰悉資

華之本取正焉班彪有異

書子雲爲彪父黨造門求

觀吾安得盡發茂卿之藏

詞林海錯

五

而觀之請醺酒臨江坐大

荒之山而談海錯

吳郡友弟馮時可撰



詞林海錯序

今夫饗客者爲可繼也爲

可達也則其具不過曰穀

曰畜曰鮮曰果蔬而已穀

徵諸田畜徵諸牢鮮徵諸

陂果與蔬徵諸圃何其近

也至錯之爲言以珍異得名

則將問之海何則其爲質

異則其產必遠所產遠則

恥之也艱所產遠而取之

艱則其勢必不能以多得
友人夏茂卿著詞林海錯
快心悅口乃遂至十卷不
可謂得之不多者矣嘗聞
秦晉之人得鱗之枯甲縣
之戶以驅鬼斷瘡不經見
故也而洞庭白小風俗以
當園蔬閩之宴人瞰江瑤
柱鱸黃與魚鰕無異也茂
卿舉孝廉不仕養志讀書

其人文行君子也胸中暇
整出其餘地蓋有小四海
焉茂卿之取錯于海猶之
田之穀牢之畜陂之鮮而
圃之果蔬也世人讀茂卿
書不識甘苦湯然以博之
一字題之夫廣貯迂搜橫
陳竒集此博者事也引義
觸類宣滯化腐通彼我之
懷聯述作之交非博者事

也蓋有通識慧心焉三家
村暴富兒見貴客至傾筐
倒皮剪砌餽飮几案陳陳
而寒窘之氣常見於卒遽
之中高明之家座客常滿
妻妾僮僕若不知有客出
一疏以餉客而門以内常
覺充然客不敢逆其中之
無有此暇整之說其所由
來深矣豈可為博者道哉

持此讀茂卿書十卷可也
數字數句可也

竟陵友弟鍾惺撰

